

7. Шелемех Н.Н. (Фьючерсы, форварды, опционы – формирование доходов и расходов [Текст]. / Н.Н.Шелемех. // Бухучет в сельском хозяйстве. 2016. № 2. С. 40-50. Библиогр. С. 50 (14 назв.). Продолж. Начало: № 1. ISSN 2075-0250. УДК ^а336.22 ББК 65.261 Рубрики: Экономика Финансовая система).
8. Налогообложение материальной выгоды от экономии на процентах за пользование заемными (кредитными) средствами [Текст]. / П.П.Грузин. // Бухгалтерский учет. 2008. N 10. С. 26-32. УДК ^а336.0/5 ББК 65.261. Рубрики: Экономика-Россия Финансовая система.
9. Брыкин К.И. Институт контролируемых иностранных компаний по законодательству Соединенных Штатов Америки [Текст]. / Международная экономика. 2017. № 7. С. 38-42. Библиогр. С. 42 (3 назв.). ISSN 2074-6040. УДК ^а338(1-775) ББК 65.6. Рубрики: Экономика-Экономика развитых стран – США.
10. Грузин П.П. Налогообложение материальной выгоды от экономии на процентах за пользование заемными (кредитными) средствами [Текст]. / Бухгалтерский учет. N 10. С. 26-32. УДК ^а336.0/5 ББК 65.261. Рубрики: Экономика-Россия Финансовая система.
11. Некоторые вопросы НДС при расчетах векселями [Текст]. / А.Рабинович. // Хозяйство и право. 2011. N 8. С. 55-63. УДК ^а347.73 ББК 67.402. Рубрики: Право Финансовое право.
12. Особенности налогообложения прибыли в консолидированных налоговых группах [Текст]. / Т.Козенкова, И.Зачупейко. // РИСК: ресурсы, информация, снабжение, конкуренция. 2012. № 2, Ч. 2. С. 324-330. Табл. Библиогр. С. 330 (5 назв.). УДК ^а658.152 ББК 65.261. Рубрики: Экономика Финансовая система.
13. Солиққа тортиш назарияси ва амалиёти. Дарслик. – Т.: Фафур Фулом номидаги “Адабиёт ва санъат” нашриёти, 2000.
14. Soliқ statistikasi va prognozi. O’quv qo’llanma. / A.Jo’rayev, S.Shirinov. O’zbekiston Respublikasi Oliy va o’rta maxsus ta’lim vazirligi. – T.: Iqtisod-moliya, 2015. – 392 b.
15. Аюбжонов А.Х., Салиходжаева А.У. Moliya statistikasi. O’quv qo’llanma. 2019. – 239 b.
16. Rashidov O.Yu., va bosh. Pul, kredit va banklar. Cho’пон nomidagi nashriyot-matbaa ijodiy uyi, 2011.
17. Жўраев А.С, Абдуллаев Х. Солиқни прогноз қилиш. Маъруза матнлари тўплами. – Т.: ТМИ, 2005. – 168 бет (9 бетидан).
18. Vahobov A.V. Soliqlar va soliқqa tortish. Oliy o’quv yurtlari talabalari uchun darslik. / A.V.Vahobov, A.S.Jo’rayev. O’zR Oliy va o’rta maxsus ta’lim vazirligi. Toshkent moliya in-ti. – T.: Sharq, 2009. – 448 b. 58-betidan.
19. Raxmonov D.A., Mingishov L.O’. Moliya. O’quv qo’llanma. JIDU. – T., 2014. 176-bet.
20. Худойқулов С.К. Молия ва солиқлар. Дарслик. – Т.: Iqtisodiyot, 2020. – 554 б.
21. Абдуллаев Ж.Х. Солиқ тизими: муаммолар ва истиқболлар. (https://www.norma.uz/raznoe/soliq_tizimi_muammolar_va_istiqbollar1)
22. Xudoyqulov S.K. Soliқ tizimi. Kasb-hunar kollejlari uchun o’quv qo’llanma. – T.: ILM ZIYO, 2013. – 304 bet.
23. Shamsutdinov F.Sh., Shamsutdinova Sh.F. Chet mamlakatlar soliқ tizimi. Darslik. – T.: Fan va texnologiya, 2011. – 508 bet. ISBN 978-9943-10-553-9.
24. Махмудов С. Оценка эконометрического анализа экспортно-импортных процессов в национальной экономике на основе моделей. VAR, ARDL И ARIMA: https://doi.org/10.55439/ECED/vol23_iss3/a29. Экономика и образование, 23 (3), 184-197. Извлечено от <https://cedr.tsue.uz/index.php/journal/article/view/526>
25. Махмудов С. Оценка экономического анализа операций коммерческих банков. Экономика и образование. 2022. 23 (2), 354–361. Извлечено от <https://cedr.tsue.uz/index.php/journal/article/view/480>



МАМЛАКАТИМИЗ ТИЖОРАТ БАНКЛАРИНИНГ ҚИММАТЛИ ҚОҒОЗЛАР БОЗОРИДАГИ ИНВЕСТИЦИЯ ФАОЛИЯТИНИ ТАКОМИЛЛАШТИРИШ

Ҳамзаев Азизбек Нематович -
Тошкент давлат иқтисодиёт университети
таянч докторанти

https://doi.org/10.55439/ECED/vol23_iss6/a54

Аннотация. Ушбу мақолада мамлакатимиз тижорат банкларининг қимматли қоғозлар бозоридаги инвестиция фаолиятини такомиллаштириш йўллари, шунингдек, унинг афзалликлари таҳлили ва ривожлантириш истиқболларини такомиллаштириш ҳақида сўз боради. Шунингдек, мақолада тижорат банкларининг қимматли қоғозлар бозоридаги инвестиция фаолиятини ривожлантириш истиқболларидаги мавжуд муаммолар ҳамда уларни бартараф этиш бўйича муаллиф ёндашувлари ва таклифлари келтирилган.

Калим сўзлар: тижорат банки, инвестиция, қимматли қоғоз, корпоратив қимматли қоғоз, давлат қимматли қоғозлари, акциялар, эмитент.

СОВЕРШЕНСТВОВАНИЕ ИНВЕСТИЦИОННОЙ ДЕЯТЕЛЬНОСТИ КОММЕРЧЕСКИХ БАНКОВ НАШЕЙ СТРАНЫ НА РЫНКЕ ЦЕННЫХ БУМАГ

Ҳамзаев Азизбек Нематович -
Ташкентский государственный экономический
университет базовый докторант

Аннотация. В данной статье пойдет речь о путях совершенствования инвестиционной деятельности коммерческих банков нашей страны на рынке ценных бумаг, а также анализ ее преимуществ и улучшение перспектив развития. Также в статье представлены существующие проблемы в перспективах развития инвестиционной деятельности коммерческих банков на рынке ценных бумаг, а также авторские подходы и предложения по их устранению.

Ключевые слова: коммерческий банк, инвестиции, ценные бумаги, корпоративные ценные бумаги, государственные ценные бумаги, акции, эмитент.

IMPROVING THE INVESTMENT ACTIVITIES OF COMMERCIAL BANKS OF OUR COUNTRY IN THE SECURITIES MARKET

Khamzaev Azizbek Nematovich -*Tashkent State University of Economics base doctarant*

Annotation. This article will talk about ways to improve the investment activities of commercial banks of our country in the securities market, as well as an analysis of its advantages and improving prospects for development. The article also presents the existing problems in the prospects for the development of investment activities of commercial banks in the securities market, as well as the author's approaches and proposals to eliminate them.

Keywords: commercial bank, investment, securities, corporate securities, government securities, shares, issuer.

Кириш. Бугунги кунда Янги Ўзбекистоннинг тараққиёт стратегиясида "...иқтисодиётда молиявий ресурсларни кўпайтириш мақсадида, келгуси 5 йилда фонд бозори айланмасини 200 миллион АҚШ долларидан 7 миллиард АҚШ долларига етказиш. Мамлакатимизда капитал ҳаракатини босқичма-босқич эркинлаштириш ҳамда йирик корхоналарни ва улардаги улушларни (акцияларни), шу жумладан фонд биржаси орқали хусусийлаштириш. Давлат улушига эга тижорат банкларидан трансформация жараёнларини яқунлаб, 2026 йил якунига қадар банк активларида хусусий сектор улушини 60 фоизгача етказиш..." [1] белгилаб қўйилган.

Шунингдек, бугунги кунда тижорат банклари муҳим молиявий институт сифатида бўш пул маблағларини маълум шартлар асосида жалб қилиш орқали иқтисодиёт тармоқларини молиялаштириш, субъектлар ўртасидаги ўзаро ҳисоб-китобларни амалга ошириш, аҳоли даромадларини кўпайтиришда муҳим аҳамият касб этади. Бунда тижорат банкларининг фонд бозоридаги фаолиятининг самарали ташкил этилганлиги юқорида келтирилган жиҳатларнинг тўлиқ шаклланишида муҳим омил ҳисобланади. Бундай шароитда иқтисодиётни глобал пандемия инқирозидан катта талофатларсиз олиб чиқишдаги асосий омил сифатида мамлакатимиз тижорат банкларининг қимматли қоғозлар бозоридаги инвестиция фаолиятини янада ривожлантириш талаб этилади. Тижорат банкларининг қимматли қоғозлар бозоридаги инвестиция фаолиятини ривожлантириш иқтисодиётнинг ҳар қандай даври ва босқичида доимо бош таянчи бўлиб қолаверади. Бу эса ўз навбатида, чекланган ресурслар ва чекланган вақт шароитида улардан энг самарали фойдаланиш йўллари аниқлаш, барча имкониятларни ўз вақтида ва тўлиқ ишга солиш заруратини оширади ҳамда илмий асосда тадқиқ қилиш зарурлигини юзага келтиради.

Мавзуга доир адабиётлар таҳлили. Таъкидлаш лозимки, бугунги кунга қадар тижорат банкларининг қимматли қоғозлар бозоридаги инвестиция фаолияти билан боғлиқ муаммоларни ўрганишнинг айрим назарий-концептуал жиҳатларини ишлаб чиқишда маҳаллий ва хориж-

лик олимлар томонидан бир қатор илмий тадқиқот ишлари олиб борилган ҳамда назариялар илгари сурилган.

Жумладан, проф. Ҳ.Марковицнинг назариясига кўра, йўл қўйиладиган хатоликлардан бири шундаки, инвестор ҳар доим даромадлиликнинг мақбул даражаси шароитида кам рискни таъминлайдиган ёки рискнинг мақбул даражаси шароитида юқори даромадни таъминлайдиган портфелни таъминлайди. Ушбу хатога йўл қўймаслик учун инвестор шундай портфелни танлаши керакки, бунда кутилаётган даромад риск ошмасдан туриб ошиши мумкин эмас ёки аксинча, риск кутилаётган даромад камаймасдан туриб камаймаслиги керак [2].

Яна бир гуруҳ олимлар проф. Ю.Морозкин ва доц. Е.Свиштунованинг фикрига кўра, фонд бозори конъюнктурасининг динамик ўзгариши шароитида оптимал қимматли қоғозлар портфелини шакллантириш ҳар доим ҳам етарли бўлавермайди. Бундай шароитда тижорат банкига қимматли қоғозлар портфелини шакллантиришнинг такомиллашган стратегиясини шакллантириш зарур бўлади. Бошқарув фонд бозоридаги ҳолатлар тўғрисида хулосалар шакллантириш имконини берадиган у ёки бу омилларни мониторинг қилиш асосида қимматли қоғозлар портфелига тузатиш киритиш имконини беради. Бу эса инвестициялаш стратегияси ва портфелнинг таркиби бўйича замонавий ва аниқ қарорларни қабул қилиш учун имконият яратади [3].

Шунингдек, доц. М.Чекулаевнинг фикрига кўра, жалб этилган маблағларнинг қиймати, яъни уларга тўланадиган фоизларнинг ставкалари "колл" опционларнинг премияси миқдорида ижобий таъсир кўрсатади. Аммо бунда ушбу омилнинг таъсири чекланганлигини ҳисобга олиш зарур, яъни портфелда опцион позициясининг унча катта бўлмаган улуши ҳам фоиз ставкалари даражасини ўзгартира олади [4].

Проф. Е.Жуковнинг хулосасига кўра, техник таҳлил асосида оширишда шунга эътибор қаратиш керакки, баҳолар динамикасига ташқи омиллар таъсир кўрсатади ва биржа курсининг тебраниши маълум қонуниятларга бўйсунган бўлиб, улар барқарор мазмунга эга бўлиши

лозим. Аниқланган қонуниятлар асосида биржа курсининг келгусидаги тебраниши бошқа омиларнинг таъсири ҳисобга олинган ҳолда прогноз қилинади [5].

Жаҳон амалиётида тижорат банклари инвестиция фаолияти ўз активларини диверсификация қилиш мақсадида қимматли қоғозларга инвестиция киритиш қўшимча даромад олиш ва банк ликвидлигини сақлашдан иборат бўлмоқда [6].

Фонд бозорлари мамлакат иқтисодиётига инвестицияларни жалб қилишда муҳим аҳамиятга эга бўлган асосий институтлардан биридир. Мустақилликни қўлга киритганидан сўнг замонавий бозор муносабатларини ривожлантиришни мақсад қилган Ўзбекистонда фонд бозорини шакллантириш эҳтиёжи юзага келиб, ҳозирги кунда у ўз иштирокчиларига ва ривожланган инфратузилмага эга бўлган барқарор фаолият юритувчи институтга айланди [7].

Номлари юқорида зикр этилган иқтисодчи олимларнинг илмий ишларида инфляция ва девальвация даражаси нисбатан юқори бўлган шароитда тижорат банкларининг қимматли қоғозлар билан амалга ошириладиган инвестицион операцияларини ривожлантириш имкониятлари тадқиқ қилинмаган.

Тадқиқот методологияси. Мақолада илмий абстракциялаш, гуруҳлаш, қиёслаш, ретроспектив ва истиқболли, эмпирик таҳлил натижаларини тизимлаштириш асосида илмий асосланган хулоса ва тавсиялар ишлаб чиқишда индукция ва дедукция услубларидан фойдаланилди. Хусусан, қиёсий таққослаш усулида тижорат банкларининг қимматли қоғозлар бозоридаги инвестиция фаолиятини ривожлантириш усуллари ташкилий-ҳуқуқий асосларини мамлакатимиздаги мавжуд асослар билан таққослаб, тегишли хулосалар шакллантирилди.

Таҳлил ва натижалар. Ҳозирги кунда мамлакатимиз тижорат банкларининг қимматли қоғозларга қилинган инвестициялардан оладиган даромадлари дивидендлар ва фоизлар шаклида бўлиб, улар банкларнинг молиявий барқарорлигини таъминлашда муҳим аҳамият касб этади. Шунингдек, тижорат банкларининг улушли тарзда иштироки инвестициялари дивиденд кўринишида даромад олинишини таъминласа, уларнинг облигациялар, имтиёзли акциялар, депозит ва жамғарма сертификатларига қилинган инвестициялари фоиз кўринишида даромад олинишини таъминлайди. Тижорат банкларининг инвестиция фаолияти банк ўз маблағлари, жалб этилган ва қарз олинган маблағларни тўғридан-тўғри инвестицияларга ёки портфель инвестицияларга йўналтириш шаклида олиб боради. Мамлакатимиздаги тижорат банклари инвестиция фаолиятининг асосий йўналишлари бўлиб, инвестиция учун маблағ жамғариш; инвестицион кредитлар ажратиш; қимматли қоғозларга, улушларига инвестициялар киритиш ҳисобланади. Тижорат банкларининг инвестиция фаолияти иқтисодий муносабатларни амалга ошириши тизимининг капитал бозорида воситачилик операцияларидир.

Ривожланган мамлакатларда тижорат банкларининг инвестиция фаолияти даромад келтириш нуқтаи назаридан банк даромадлари таркибида кредит фоизидан кейинги иккинчи муҳим манба ҳисобланади ва банк жами даромадлари таркибида сезиларли ўрин тутаяди. Бунда банкнинг қимматли қоғозлар портфелини бошқариш жараёни, унинг инвестиция сифати ва инвесторнинг манфаатларига хос хусусиятлар ўзида мужассамлаштирилиши ва йўналтирилишига катта аҳамият берилади.

Инвестициялар бозорида фаол ишлайдиган банк қуйидаги йўналишларда катта даромад топади (1-расм).



1-расм. Тижорат банкларининг инвестиция бозоридаги фаолияти


Манба: Иқтисодий адабиётларни ўрганиш жараёнида муаллиф томонидан ишлаб чиқилди.

Бугунги кунда тижорат банкларининг қимматли қоғозлар бозорида фаолиятини ривожлантиришнинг яна бир устун томони шундаки, банк активларини қимматли қоғозлар билан бойитган ҳолда унинг умумий молиявий рискни пасайтириш мумкин. Шунингдек, инвестицион активлар ҳажми ошиб бориши билан инвестиция рисклари даражаси ҳам ошиб боради. Бироқ банкларнинг инвестиция портфелини диверсификация қилиш орқали инвестиция билан боғлиқ рискларни пасайтириш мумкин. Инвестиция портфелини диверсификация қилиш банкларнинг инвестиция портфелида турли хил кўпдан-кўп қимматли қоғозларнинг мавжудлигига эришишни билдиради. Тижорат банкларининг қимматли қоғозлар портфелини диверсификация қилишнинг қуйидаги турлари мавжуд. Булар қимматли қоғозларнинг турлари, муддати бўйича диверсификация қилиш, қимматли қоғозларнинг эмитентлари бўйича диверсификация қилиш ва шу кабилар.

Тижорат банкларининг қимматли қоғозлар портфелини бошқариш жараёни, унинг инвестиция фаолияти сифати ва инвесторнинг манфаатларига хос хусусиятлар ўзида мужассамлаштирилиши ва йуналтирилиши лозим. Порт-

фелни бошқаришда қўлланиладиган методлар ва техник имкониятлар портфелни бошқариш усулларини ўзида намоён этган ҳолда актив ва пассив моделларга бўлинади. Актив модели портфелнинг инвестицион максадларига жавоб берадиган инструментларини синчковлик билан кузатиб бориш ва тезда қўлга киритишни ҳамда портфелга кирувчи фонд инструментларининг таркиби тез ўзгаришини кўзлайди. Пассив модели эса узоқ муддатга мўлжалланган, олдиндан риск даражаси аниқланган, яхши диверсификацияланган портфелларни яратишни кўзлайди.

Тижорат банки учун юқорида баён қилинган имкониятлардан фойдаланиш жами активларининг рентабеллиги ва ликвидлигини оширишга олиб келар эди. Бироқ Ўзбекистон банк секторига ушбу соҳада ҳали сезиларли ютуқларга эришилмаганини кўрамиз. Охирги бир ярим йилнинг ўзида Ўзбекистон барча кредит ташкилотларининг жами инвестициялари ва бошқа қимматли қоғозлар ҳажмининг улар жами активлардаги улуши барқарор ўсиш динамикасига эга бўлмоқда (2-расм). Бироқ якуний натижа (5,2 фоиз) жаҳон амалиётидаги кўрсаткичлардан анча паст бўлмоқда.



2-расм. Ўзбекистон жами кредит ташкилотлари жамланма балансида инвестициялар ва бошқа қимматли қоғозларнинг жами активлардаги улуши динамикаси, фоизда.

Манба: Ўзбекистон Республикаси Марказий банкининг 2022 йил 1 ярим йиллик учун статистик бюллетени, www.cbu.uz маълумотлари асосида ишлаб чиқилган.

Ўзбекистон Республикасига чет элдан тўғридан-тўғри инвестицияларнинг соф ҳажми 2,0 млрд. долларни ташкил қилди (1,7 млрд. доллар 2020 йилда). Портфель инвестициялари бўйича соф мажбуриятлар 2,0 млрд. долларга ўсиб, давлат (895,3 млн. доллар) ҳамда бошқа секторлар (1,1 млрд. доллар) томонидан халқаро бозорларда қарз инструментларини (евробондларни) жойлаштириш билан изоҳланади.

Бугунги кунда акциядорлик жамиятлари томонидан акциялар эмиссия қилиш билан бир қаторда корпоратив облигацияларнинг ҳам

эмиссия қилинишига алоҳида эътибор қаратилмоқда.

Корпоратив облигациялар акциядорлик жамиятлари, масъулияти чекланган ва қўшимча масъулиятли жамиятлар томонидан чиқариладиган облигациялардир.

Корпоратив облигациялар очиқ ёки ёпиқ обуна орқали чиқарилиши мумкин. Уларнинг асосий фарқи шундаки, очиқ обуна бўлган тақдирда, қимматли қоғозларни жойлаштириш чексиз кўп инвесторлар ўртасида, ёпиқ обуна билан эса олдиндан маълум бўлган чекланган инвесторлар орасида амалга оширилади.

2021 йил биринчи чорагида мамлакатимиздаги акциядорлик жамиятлари томонидан эмиссия қилинган корпоратив облигациялар сони ва эмиссия ҳажми тўғрисида маълумот

№	Эмитентлар номи	Облигациялар сони (млн. дона)	Чиқарилган облигациялар ҳажми (млрд. сўм)
1.	“Ўзбекистон саноат-қурилиш банк” АТБ	0,15	60,00
2.	“Asia Alliance bank” АТБ	0,05	45,18
3.	“Kapitalbank” АТБ	0,05	50,00
4.	“Ўзавтосаноат” АК	0,05	50,00
5.	“IMKON FINANS” микрокредит ташкилоти АЖ	0,004	4,00
6.	“First developing group” МЧЖ	0,005	5,13
7.	“MIND ASIA” МЧЖ	0,013	126,00
8.	“CHUST RIR MIKROKREDIT TASHKILOTI” МЧЖ	0,002	2,00
9.	“AKFA MEDLINE” МЧЖ	0,021	211,00
10.	“UZREPORT” ахборот агентлиги МЧЖ	0,001	30,00
Жами:		0,341	583,30

Манба: www.deponet.uz – Қимматли қоғозлар марказий депозитарийси йиллик ҳисоботлари асосида муаллиф томонидан тўзилди.

Жадвал маълумотларидан кўришимиз мумкинки, мамлакатимиз тижорат банклари, акциядорлик жамиятлари ва масъулияти чекланган жамиятлари томонидан жами 0,341 миллион дона корпоратив облигациялар чиқарилган бўлиб, уларнинг умумий ҳажми 583,30 миллиард сўмни ташкил қилган. Корпоратив облигациялар чиқаришда масъулияти чекланган жамиятларнинг улуши юқори эканлигини жадвал маълумотларидан кўришимиз мумкин. Бундан кўриниб турибдики, акциядорлик жамиятлари томонидан корпоратив облигацияларга нисбатан акциялар эмиссия қилиш амалиёти кўпроқ амалга оширилиб келинмоқда.

Бизга маълумки, кўпгина сабабларга кўра тадбиркорлар камдан-кам ҳолларда корпоратив облигацияларни қарз ҳисобидан молиялаштиришнинг рақобатдош усули деб билишади. Шу билан бирга, корпоратив облигацияларни чиқаришда қарз олувчи компаниянинг ўзи фоиз ставкасини ва эмиссия муддатини белгилайди. Бу компанияга кўпроқ имкониятлар беради, қарзни янада мослашувчан қилади.

Корпоратив облигациялар очик ёки ёпиқ обуна орқали чиқарилиши мумкин. Уларнинг асосий фарқи шундаки, очик обуна бўлган тақдирда, қимматли қоғозларни жойлаштириш чексиз кўп инвесторлар ўртасида, ёпиқ обуна билан эса олдиндан маълум бўлган чекланган инвесторлар орасида бўлади.

Шундай қилиб, қарз олувчи компания ўз мақсадларидан келиб чиқиб, потенциал инвесторларни олдиндан танлаши мумкин. Ёпиқ обуна танлаш облигациялар эмитентини оммавий эълон ва реклама кампаниясидан халос қилиши ва шу билан харажатларни камайтириши мумкин. Очик ва ёпиқ обуналар учун корпоратив

облигацияларни чиқариш жараёни фарқ қилади. Облигацияларни очик обуна орқали чиқариш учун қарз олувчига аудиторлик текширувидан ўтган молиявий ҳисобот ва рейтинг баллари керак бўлади. Бундан ташқари компания сўнгги молиявий йилда рентабеллик, тўлов қобилияти, молиявий барқарорлик ва ликвидликнинг ижобий кўрсаткичларини намоиш этган бўлиши керак.

Хулоса ва таклифлар. Мамлакатимиз тижорат банкларининг қимматли қоғозлар бозоридаги инвестиция фаолиятини такомиллаштириш жаҳон хўжалигининг барқарорлигига эришиш ҳамда молия бозори соҳасидаги муносабатларнинг узлуксизлигини таъминлашга ёрдам беради.

Иқтисодий трансформациялаш жараёнида мамлакатимиз иқтисодийотида мамлакатимиз тижорат банкларининг қимматли қоғозлар бозоридаги инвестиция фаолиятини такомиллаштириш тизимини яратиш долзарб аҳамият касб этаётганини ҳисобга олган ҳолда, қуйидаги таклиф ва тавсиялар шакллантирилди:

1. Мамлакатимиз тижорат банкларининг қимматли қоғозлар бозоридаги инвестиция фаолиятини ривожлантиришда илғор халқаро амалиётни жорий қилиш, ортиқча тўсиқлар ва чекловларни бартараф этиш орқали фонд бозорида ривожланиш мақсадларига йўналтирилган инвестицияларни фаол молиялаштириш учун зарур шарт-шароитларни яратиш лозим.

2. Миноритар инвесторлар, капитал бозорининг бошқа иштирокчилари ҳамда аҳоли кенг қатламларининг билимлари, кўникмалари ва молиявий саводхонлигини оширишни қўллаб-қувватлаш дастурларини ишлаб чиқиш мақсадга мувофиқ.

3. Андеррайтерларга акциядорлик жамияти билан тузилган шартнома асосида акциялар тақсимланадиган инвесторларни танлаш, шунингдек, инвесторларга IPO ва SPO доирасида харид қилинган акцияларни сотиш таъқиқланадиган муддатни белгилаш ҳуқуқи зарур.

4. Аҳоли ва тадбиркорлик субъектларининг молиявий саводхонлигини ошириш, улар-

ни молиявий хизматлар ва маҳсулотлар, жумладан, капитал бозори ҳамда молиявий инструментлар ҳақида хабардор қилиш билан боғлиқ ташаббусларни ҳамжиҳатликда амалга оширган ҳолда мутасадди ташкилотлар билан фаол ҳамкорликни йўлга қўйиш молия бозори ўрнининг янада ошишига асос бўлади.

Манба ва фойдаланилган адабиётлар рўйхати:

1. Ўзбекистон Республикаси Президентининг 2022 йил 28 январдаги "2022-2026 йилларга мўлжалланган Янги Ўзбекистоннинг тараққиёт стратегияси тўғрисида"ги ПФ-60-сонли фармони.
3. Markowitz, H. Portfolio Selection. // The Journal of Finance. 1952. № 7. P. 77-91.
4. Морозкин Ю.Н., Свистунова Е.С. Управление портфелем ценных бумаг в коммерческом банке. // Вестник Челябинского государственного университета. – Челябинск, 2011. № 6. С. 138.
5. Чекулаев М. Загадки и тайны опционной торговли. – М.: ИК Аналитика, 2001. С. 10.
6. Жуков Е.Ф. Рынок ценных бумаг. Учебник для студентов вузов, обучающихся по экономическим специальностям. 3-е изд., перераб. и доп. – М.: ЮНИТИ-ДАНА. – 567 с.
7. Леонтьев В.Е, Бочаров В.В, Радковская Н.П. Инвестиции. – М.: Юрайт, 2014. С. 127-131.
8. Хайдаров Ў.А. Ўзбекистон иқтисодиётига инвестицияларни жалб қилишда фонд бозорларининг таъсири. // "Иқтисодиёт ва инновацион технологиялар" илмий-электрон журнали. 2-сон, март-апрель, 2015 йил.
9. Махмудов С. Оценка эконометрического анализа экспортно-импортных процессов в национальной экономике на основе моделей var, ardl и arima: https://doi.org/10.55439/ECED/vol23_iss3/a29. Экономика и образование. 2022, 23 (3), 184-197. Извлечено от <https://cedr.tsue.uz/index.php/journal/article/view/526>
10. Махмудов С. Оценка экономического анализа операций коммерческих банков. // Экономика и образование. 2022, 23 (2), 354-361. Извлечено от <https://cedr.tsue.uz/index.php/journal/article/view/480>



ХУСУСИЙ КАПИТАЛ ҲИСОБИНИ ТАКОМИЛЛАШТИРИШ ЙЎНАЛИШЛАРИ

Шеримбетов Иномжон Халилullaевич -
Тошкент молия институти
катта ўқитувчи

https://doi.org/10.55439/ECED/vol23_iss6/a55

Аннотация. Мақолада бухгалтерия ҳисобининг объекти ҳисобланган хусусий капиталнинг мазмун-моҳияти тадқиқ қилинган. Шунингдек, хусусий капитал ҳисоби бўйича бухгалтерия ҳисоби миллий стандартлари ва молиявий ҳисоботнинг халқаро стандартлари қоидалари таҳлил қилиниб, миллий ҳисоб тизимини такомиллаштириш бўйича таклиф ва хулосалар шакллантирилган.

Калит сўзлар: капитал, хусусий капитал, ўз маблағларининг манбалари, тақсимланмаган фойда, устав капитали, резерв капитали, қўшилган капитал, давлат ёрдами, келгуси давр харажатлари ва тўловлари бўйича резерв.

НАПРАВЛЕНИЯ СОВЕРШЕНСТВОВАНИЯ УЧЕТА СОБСТВЕННОГО КАПИТАЛА

Шеримбетов Иномжон Халилullaевич -
старший преподаватель
Ташкентского финансового института

Аннотация. В статье исследуется сущность собственного капитала, который рассматривается как объект бухгалтерского учета. Также были проанализированы правила национальных стандартов бухгалтерского учета и международных стандартов финансовой отчетности по учету собственного капитала, сформулированы предложения и выводы по совершенствованию национальной системы бухгалтерского учета.

Ключевые слова: капитал, собственный капитал, источники собственного капитала, нераспределенная прибыль, уставный капитал, резервный капитал, добавленный капитал, государственная помощь, резерв будущих расходов и платежей.

DIRECTIONS FOR IMPROVING EQUITY ACCOUNTING

Sherimbetov Inomjon Khalilullayevich -
Senior Lecturer, Tashkent Financial Institute

Abstract. The article explores the essence of equity, which is considered as an object of accounting. Also, the rules of national accounting standards and international financial reporting standards in accounting of equity were analyzed moreover proposals and conclusions were formulated in order to improve the national accounting system.

Key words: capital, equity, own sources of equity, retained earnings, issued capital, share premium, reserves, treasury shares, government grants, reserve for future expenses and payments.